

Mersiha Mehmedagić  
Zastupnica u Skupštini Kantona Sarajevo

MINISTARSTVO ZA OBRAZOVANJE,  
NAUKU I MLADE KANTONA SARAJEVO

PREDMET: Inicijativa

Na osnovu dostupnih informacija o zloupotrebama i kršenjima pozitivnih propisa u osnovnom i srednjem obrazovanju, podnosim slijedeće inicijative Ministarstvu za obrazovanje, nauku i mlade:

**1. Da Ministar, putem Budžetske inspekcije i svih raspoloživih ovlaštenja, provjeri slijedeće navode i potom preduzme adekvatne mjere:**

- JU OŠ. Zajko Delić je, angažujući advokata za zastupanje u sudskim procesima, u periodu 2013-2015 potrošila 61.712 KM. Zašto bi Ministarstvo dozvolilo da škola čiji je budžet 1.031.900 KM angažuje advokata pored uposlenog sekretara, i koliko je za ove namjene potrošeno u 2016. godini?
- I Školski odbor JU OŠ Malta je 11.10.2016. godine donio Odluku kojom odobrava angažovanje advokata za zastupanje.

Napomenut ću da svako pripremno ročište košta 720,00 KM koliko košta i glavna rasprava. Žalba košta 900,00 KM ili 1.062,00KM koliko košta i odgovor na žalbu. Sve ovo je nepotreban teret školama uzmemo li u obzir da imaju sekretare koji su plaćeni iz Budžeta da, između ostalih obaveza, obavljaju i posao zastupanja.

**2. Da se hitno pristupi izradi novog Pravilnika sa kriterijima za prijem uposlenika u radni odnos u predškolskim ustanovama, osnovnim i srednjim školama, kao javnim ustanovama na području Kantona Sarajevo koji će maksimalno suziti trenutno prevelik prostor za manipulaciju i štimanje bodova kroz intervju.**

- Intervju kandidata nosi od 10 do 24 boda i često je sveden na ocjenu "umjetničkog dojma" koji služi neosnovanom degradiranju stručnih kompetencija i ličnosti kandidata. Navest ću primjer ocjene kandidata koji je na Prirodnom –matematičkom fakultetu Univerziteta u Sarajevu diplomirao na Odsjeku za matematiku – smjer matematika i teorijska kompjuterska nauka. U ocjeni dodatnih znanja, poput poznavanja stranih jezika i informatičke pismenosti, Komisija pomenutom kandidatu, koji u nastavi radi od 2008. godine, da ocjenu "Posjeduje ograničena dodatna znanja koja nisu iz oblasti rada". Ovom primjeru ne treba pojašnjenje.

**3. Da se osigura dosljedna primjena Pravilnika o ocjenjivanju, napredovanju i sticanju stručnih zvanja odgajatelja, profesora/nastavnika u predškolskim ustanovama, osnovnim, srednjim školama i domovima učenika, NPP-a te važećih Standarda i normativa.**

- Na primjeru tri javna oglasa iz tekuće godine može se jasno vidjeti kako se navedeni propisi slobodno tumače. JU OŠ Malta i Elektrotehnička škola za energetiku su pogrešno bodovale stručni ispit sa zvanjem inženjera mašinske struke.

OŠ Malta uvaži žalbu i poništi prvobitno donesenu odluku, a Elektrotehnička škola za energetiku odbije žalbu.

I Srednja medicinska škola Jezero je zbog propusta u bodovanju diplome, stručnog ispita i staža poništila prvobitno donesene odluke.

Tražim od Ministarstva da po svim navodima izvrši provjere u skladu sa ovlaštenjima, te osigura dosljedno sprovođenje vlastitih propisa u svojim ustanovama.

Sarajevo, 14.11.2016.goine

Zastupnica:



Mehmedagić Mersiha